

اصلی - کرم

ایران مرکزینده یاشایان تورک دیللی ائل لرین
دیلیندن

حمید احمد زاده (تئلیم خانلی)

انتشارات پینار

۱۳۸۸

احمد زاده ، حمید

اصلی کرم (تورک دونیاسینین محبت ناغیلاریندان) / حمید احمد زاده
، پینار . ۱۳۸۸ .

۹۷۸-۹۶۴-۲۶۶۸-۵۴-۰۰

داستان های ترکی - ایران - قرن ۱۴

PL ۱۳۸۷ ۶ الف ۲۶۴ الف / ۳۱۴

۸۹۴/۳۶۱۳

۱۳۲۶۸۱۰

نوبت چاپ: اول

اصلی - کرم (تورک دونیاسینین محبت ناغیلاریندان)

حمید احمد زاده

پینار . ۱۳۸۷ .

جیلدین طرحی : رحیم چرخ

جیلدین ایشله یه نی : پینار یابین ائوی

تیراژ: ۱۰۰۰۰

قیمت: ۳۰۰۰

شابک : ۹۷۸-۹۶۴-۲۶۶۸-۵۴-۰۰

نشانی انتشارات: کرج- چهارراه طالقانی- بلوار طالقانی شمالی-

خیابان شهروز- پلاک ۹۰

۹۳۵۷۲۸۳۹۲۳-۰۹۱۲۳۴۱۶۱۸۳-۰۲۶۱-۲۲۲۸۴۹۶


Email: pinar-۱۳۸۴@yahoo.com

Taria-roshan.blogfa.com

عمور بویو باشی اوجا یاشایان و طاغوت دورونده ساواک طرفیندن یاخالانیب و
ایل بویو زندانلارین قباغیندا بالالارینین حسرتینده قالان انام
«آغا خانیم موسوی یه» ایتحاف .

سایقی لارلا :

حمید احمدزاده (تلیم خانلی)



(شاعیر بهروان ایله - احمد زاده)



(شاعیر جمفریله - آشیق بولود) - (آشیق اکبر ایکی قربانی ایله احمدزاده)

اون سۆز

آشيقلار، شفاهى ادبياتىمىزىن، آخىرا قالمىش سنگرىنىن آلىنماز، فالاسى دىر كى، دوغولوب، دوغان گوندن اۆز حياتىنا، سارسىلماز جاسىنا دوام وئىرلر.

بىز اونون اىستى نفسىنى، بشرىت تارىخىنىن ذهنىندە قالان، اوسطوره لرىمىزدن البده اندىرىك، و بويولدا، بىر زامان، سومر كتيبه لرىنىن، قيل قمىش (بىلقامىس) داستانىندا، بىر زامان زوروان اينام لارىندا، بىر وقتلار، ايلامى داش يازى لارىندا بويوك شاه سايلان، اون داش قال و دوران داش قال فرمانلارىندا و بىر زامان، قوپوز اينده آشيق صورتىندە چاغنا زنبىل قازىنتى لارىندا و بىر زاماندا بو قوپوزون سسى، دده قورقودون، سازىنىن تىل لرىندىن، قولاغىمىزدا گلير چاتىر.

بو حركت دوامىنا آر تىرير وگونوموزه ياخين لاشىر و اوز حركتىندە، بىر گون يونوس امره، بىر گون نسىمى، بىر گون پىر سلطان ابدال، بىر گون خسته قاسم، بىر گون عباس توفارقانلى، بىر گون تىلىم خانلى، بىر گون عاشيق على عسگر و بوگون خلف اولادلارى اولان، تورك دىللى آشيق لارىنىن طرفىندىن قورونماقدادىر.

بو گونكو تورك دىللى انسانلار، چىن توپراقلارىندان توتاراق، ايتاليايا قدر آراسى قىر يلمادان، قارداش سايلاراق، اوموز، اوموزا (كورك-كورگه) وئىر ياشاماقدادىر لار طبعى دىر كى بو بويوك جغرافىيى مسافه ده يايىلان كولتورده، بىر ناغىل و يا داستان، چشيتلى قوللاردا يايىلا بىلسىن. او جمله دن، كور اوغلو داستانى، كى توركمن لىر آراسىندا، گور اوغلو اولدوغو معلوم اولور. ها بىئله قشقاىي تورك دىللى قارداشلارىمىز، او داستانى اۆز لىرنه عاييد بىلىپ و بىئله دوشونورلر كى، ابواز خان، قشقاىي خانىنىن اوغلودور. آما گئچر كدن بىزىم نظرىمىز جه، بو دولتىن بورجودور كى، اوز خزاته سىندىن بودجه تعيين ائله سىن و ايراندا داغىلمىش حالا دوشن شفاهى خلق ادبياتىنىن ياردىمىنا چاتسىن. نئجه كى دولتىمىز، انسان سئور و مثبت بىر ايش گورورك افغانستانىن ويا تاجكىستانىن، فارسى دىلده اولان فرهنگ و مدنيتىندىن حمايت ائله بىر، يئرى وار دىر كى، اوز مملكتىمىزده ياشايان، ايران تورك لرىنىن طاغوت دوروندىن

تا پدالانمیش فرهنگ و مدنیتین، یاردیمینا گل سین. امیدیمیز واردیر کی بو اونملی مسئله یه بوندان آرتیق توجه اولسون آنجاق درد چوخ، دئمہ گہ امکان یوخ، یشری دوشدو کجه بو موریدلره یئنہ ده دردله شیب، بئلہ موشکوللرین حل اولماسینا یول آرایاجاییق .

ایندی کی هر نه علتہ گؤره دولتیمیز بو مسئله ده قصور ائلہ ییر، بیز اؤزوموز بو یولدا چیرمالانمالییق.

بیز اصلی کرم داستانینی، کرج شهرینده، تحقیق ائدنده، بیر نجه واقعیت ایله اوز به اوز اولدوق. بیری بو داستانین، نجه یاییلماغی، قزوین، نظرآباد، کرج، آوج، بوئین زهرا، علی شاه عوض، ملارد، ساوا، اراک، کاشان، اصفهان، کرمان، شیراز و خوزستان تورکلرینین طرفیندن ایدی: نجه کی بیلیر سینیز. اصلی کرم داستانینی، بو گونکو آذربایجان توپراق لاریندا اوز وئریب دیر. و بیز، بو اتفاقین آذربایجاندا اولماغین، اصلی کرم داستانینین، آذربایجاندا یاییلان متنیندن اویره نیریک. بیر حالدا کی، اصلی کرم داستانینی، ایرانین مرکزینده یئر لشیب یاشایان تورکلرین قولوندان تحقیق ائدنده، اصلی کرم داستانینین، بو ماحال لاردا اولدوغونودا باشا دوشوروک. آشاغیدا گلن شعرلر، الہ ائتدیگیمیز فیکرین، ندنی (علتی نی) سایلا بیلر...

بو گؤروکن، «آلا کسیر»، «ورورک»

اریدی جیگیریم، قالمادی اورهک

سندن خبر آلیم، «خرابه توفک»

اصلی خانیم بوردان گئچدی، گوردون مو؟

نجه کی بیلیر سینیز. «آلا کسیر و ورورک» بوئین زهرانین، قبلہ سمتینده یئر لشیبدیر. و ها بئلہ «توفک» بوئین زهرانین یاخین یئرلریندن دیر

الینده عصاسی، چینگینده بوستو
 کرمی گۆرمه سین بو گونده، دوستو
 ایککی یول آراسی، «آزا سنگ» اوستو
 اصلی خانیم بوردان گنچدی، گۆردون مو؟

«آزا سنگ» بوگونکو، بوئین زهرادان، ساوا شهرینه گئندنه، یول اوستونده یئرله شیبیدیر.
 و هابئله:

هامیدان اوجا دیر، تکهنین داغی

اریدی اوره گیم، قالمادی یاغی

اووچو لار اوولاغی، «بوغو بولاغی»

اصلی خانیم بوردان گنچدی، گۆردون مو؟

«تکه داغی» و «بوغو بولاغی» دا» بوئین زهرادان مردآبادا طرف گئندنه. واقع
 اولوب دور. بو کیمین شعرلر، بیزی بو قرارا گتیردی کی الیمیزده اولان آز امکانات دان،
 چوخ فایدا لانیب، و باشاردیغیمیز قدر، بو زمینه ده آراشدیرماغا باشلایاق. آتا لار
 دئمیشکن: «هنچ ایشین اولین، نه دوست گۆرسون، نه دوشمان» بو یولوندا، اۆزونه گۆره
 اۆزل چتین لیگی واردیر، ائله بیریده منیم علمی یوکومون یونگول اولدوغو دور.
 یاشیمین گنچمیشینه، و بیر بویرگیمین آرادان گنتمه سینه باخمایارق، وهابئله
 قندیمین و یاغیمین، قانیمدا چوخلوقونا اؤنم (اهمیت) وثرمیه رک، بو اللی یاشلاریمدا،
 بیر دفعه ده، بو قرارا گلدیم کی بوینوما قویولان گوره وی (وظیفه نی) گنچ لیگیم کیمی
 بیرده باشلیام، قلم کاغاذ گۆتوروب، بو طرفلرده، آشیق اولان، کند و فهوه خانالارا،
 یوللانددیم و بو اونودولموش ائل هنرمندلری ایله، بوئین زهرا و کرج اطرافیندا اولان
 آشیق لاردان، اورنکلر آلدیم آغ ساققال آتالار و آغ بیرچک آتا لار ایله، دئه، دانیشیغیم
 اولدو. چوخلو کاستلر دولدوردوم، نهایت، الیمه چاتان، اسگی ال یازمالاریندان، اصلی
 وکرم داستانیین، ساوا و بوئین زهرا قولو ایدی کی آغیزدان آغیزا گزیب، و بو گون گلیب
 بیزیم الیمیزه چاتیپ دیر. آرتیرمالی یام من بو یولدا بیر ال یازماسینا، ال تاپدیم کی او

ال یازمانی حدوداً یوز اون ایل بوندان اؤنجه (۱۳۲۵هـ- ق ایلینده، رحمت لیک، عاشیق یوسف قارا خانلی یازمیشدیر. اصلی یازی نین بیر نچجه صفحه‌سی، ایتیپ ارادان گنتمیشدی و قالانلاری دا چورومک حالیندا ایدی.

ال یازماسی، ایل لر بویو فرش آلتیندا و یا نملی رطوبتلی طویله و انبارلاردا قالمیش- ایدی کی رطوبت اثرینده، اونون یازی لاری، چتین اوخونوردو. من او یازی لاری او قدر کی اوزوم اوخویا بیلیردیم. اوخودوم، اوخونمویان سوزلرین یثرین بوش قویوب، سونرا اوخوماسیندا، سؤز عالیم لریمیزدن فایدا لار آلدیم. من بو یولدا، بوئین زهرا لی آغ ساققال شاعیر، استاد بهروان جنابلاریندان، بوللو و ده برلی معلومات اله گتیردیم. شاعیر دوستوم آقای زین العابدین جعفری، صمد مرادی و رحمان مهرزاد و ارشد اکبری و م. اکبری و قادیر بابایی و یعقوب بیرقدار و استاد راشدی و استاد حسین مختاری جنابلاریندان کی بو یولدا زحمت لر چکیبلر، اوز ساینی لاریمی بیلدیریرم، من بو یولدا، نچجه گنجه و گوندوز، آشیق اکبر ایپکی قوربانی ایله، شعرلری معلوم حالا گتیردیک سونرا مردآبادلی آشیق علی دانش بیات، مشهور آشیق بالا خانین نظریندن کئچیردیم و آشیق مسیح الله رضائی نین و آشیق بولودون محضرلریندن، فایدا لار آپاردیم. آشیق اکبر قوربانی نین دندیگینه گوره، رحمت لیک آشیق یوسف قارا خانلی بو شعرلری رحمت لیک آشیق ابوالمعصوم دان آلمیش ایدی. رحمت لیک آشیق ابو المعصوم دا بو شعرلری، بویوک آشیق ساییلان، رحمت لیک آشیق رضعلی دن اور گنتمیشدی. آشیق رضعلی ده، تیلیم خانین قیز نوه‌سی دیر کی اوزوده آدلیم شاعیر و آشیق دیر.

گویا تیلیم خانین داستانی نین یا ییلماسیندا، آشیق رضعلی نین بویوک نقشی واردیر. آشیق رضعلی حدوداً یوز الی ایل اؤنجه، مزلقان محالینین کندلریندن ساییلان «مره‌غی» کندینده، یاشاییرمیش همان کند کی بویوک تورک شاعیری «تیلیم خان» دا او ماحالدا ن دیر. دنمه لیک آشیق رضعلی نین مکتبینه چوخلو آشیق و هنرمند ینتیشیدیر. استاد آشیق قوربانی دیبردی کی، او بویوک آشیغین شاگردلریندن، یاددا قالانلاری بئله سایماق اولار: آشیق چراغ علی، آشیق نظرعلی، آشیق میرزا حسین و آشیق امام علی او استاددان درس آلیبلار. کی آشیق قوربانی، آشیق میرزا حسین و

اشيق امام على نى چوخ قوجا چاغ لاريندا گورموش ايدى.

اشيق قوربانى دنيردى: «اشيق ابوالمعصوم يوز ايلدن چوخ ياشادى و نهايت تهراندا، الى بوش اولوب و ۱۳۴۶- جى گونش ايلينده، حياتين دگيشدى. او بويوك اشيقين شاگردلريندن بو اشيق لارا، اشاره انله مك اولار: اشيق شاه مرادى، اشيق يوسف قاراخانى كى اشيق محرمده اشيق يوسفون شاگردى اولوب دور، اشيق قوربانى ده اشيق ابوالمعصومون آخيرا قالميش شاگردى ايدى. بيليرم كى گوردوگوم ايش، عيب سيز دنئيل، اتالار دنميشكن، چچم ساقيزى دير چوبان سوغاتى؛ آرزو انله بيره كى بو شعرلى اوخويان، تورك ديللى باجى قارداشلاريم منيم بوينوما منت قويوب، يانليشلاريمى منه بيلدير سينلر. بلكه عومور اولورسا اونلارداندا فايدالانيب گلن چايلاردا يئرینده ايشله دك .

يثرى گلमيش كن، انام، «آغا خانيم موسوى تيليم خانلى و حيات يولداشيم رحيمه محمدى «كلئى» لى و باج اوغلو مهدى اللهيارى كى بو كتابين فنى زحمتلرين و تصحيح و مقابله سين بوينونا آليب و اوغلو م ايلدير يم و ياشار كى بو كتابين حاضيرلاماغيندا منه هر زامان معنوى يارديم انديبلر، اوز سايفى لاريمى بيلدير يرم،

مكاتبه آدرسيم: كرج، جاده ملارد، مقابل بانك تجارت حافظيه ساختمان
احمدزاده:

تلفن ۰۶۶۱۱۶۶۰ - ۰۲۶۱ موبایل: ۰۹۱۲۳۰۳۱۳۶۴